

Sisimiuni 3.-4. maajimi sapaatit akunnerata naanerani isumasioqatigiissitsiniarpoq, sammisaq una pillugu:

Nunani issittuni sanaartornermi atortut nutaat sanaartoriaatsillu



Ineqarnermut Naalackersuisoq Siverth Heilmann ammaassaaq

Peqataasussat KTI-p kollegiaanut inissineqassapput. Peqataanissaq 1.200,- korusuninik akeqarpoq, taakkulu tallimangornermi unnukkumiit sapaammi unnukkumut atortussanut, ineqartitsinermit aamma nerisaqartitsinermit akiliutaassapput. Peqataasussat unnuisussaangitsut 500,- korusuninik akiliissapput.

Kalaallit Nunaanni Nutaaliorfiup kontoanut 6471-1665623-mut peqataanissamut akiliinermit peqataanissaq nalunaarutigineqassaaq.

Eqqaamallugu, ateq najugarlu allaneqassammat. Nalunaarfissaq kingulleq tassaavoq 28. april.

Kissamut pumpinut pikkorissarneq 5.-8. maj

Sapaatit akunnerata naanerani isumasioqatigiinnermut toqqaannartumik ilassutitut Nutaaliorfik KTI suleqatigalugu AMA-mit tapiiffigineqartumik kissamut pumpinut pikkorissartitsissaaq.

Pikkorissartitsineq peqataanissamullu nalunaarnissaq, uani <http://kti.gl/da/Kurser/oversigt/Bygge-og-Anlaeg/1460-Varmepumpekursus>

Isumasioqatigiinnermi sammineqartussaapput:

Pappiaqqanik qiviuliat atorlugit oqorsaait, inissiap iluata silaannaa, silaannarissaasarneq, oquk, inissianik kiassaanermut nukissiutit, marraq nutasinneersoq atorlugit qarmasissialiat, SIKU-Block sanaartornermilu atortut allat nutaat, taakkunungalu ilanngullugit atortussiat atoqqitat, soorlu karsit pappiaqqat, flamingo-t igitassat, biilit assakaasukui, qalorsuit kiisalu qaqqami/ qaarsumi sanaartorneq.

Kalaallit Nunaata suliniummut nutaamut, kissamut pumpit atorlugit immap nukianik atuisinnaanermut periarfissanik paasiniaaffiusumut peqataanissaa saqqummiunneqassaaq.

Isumasioqatigiinnermi qaaqqusat (danskisut) oqalugiartutik saqqummiussissapput, misilittakkanik paarlaaseqatigiittoqassaaq, Sisimiuni sanaartukkanut, periaatsinik atortunillu nutaanik misileraaffiusunut pulaartoqassaaq oqallittoqassallunilu. Nutaaliorfiup sulianut tunngatillugu ilusilersugai takusassiat atorluarneqassapput.

Isumasioqatigiinneq Ineqarnermut Naalackersuisoqarfiup aamma KTI-p suleqatigiillutik aqqqissuussaraat.



Pappiaqqanik oqorsaasiat



Oquk



Illu kalaallit marraat atorlugit qarmasissialianik sanaaq.

Taanna 2008-mi atoqqaarfissiorneqarpoq, silamilu atoruminaatsumi atorluarsinnaalluni.

Kalaallit Nunaanni qarmasissialiorfissaq ornipparput?